

Տեսուչն ձեր . և զկնի երկարելոյ բանից յերկուց կողմանց ելեալ մեկնեցան Յոյնք 'ի վանս իւրեանց : Այլ Թէոդորոս Պատրիարք գրեալ ծանոյց առ գլխաւորս ազգին 'ի Կոստանդինուպօլիս , լինել զգոյշ 'ի նենդութենէ և 'ի շողօքորդ բանիցն Յունաց . զի մի խարեալ 'ի նոցանէ՝ ստիպեցեն զինքեանս վասն կանթեղացն : Ապա յայտ առնէ թէ Յոյնք որպիսի անարգական բանիւք նախատակոծ առնեն զմիարանս և զուխտաւորս Հայոց՝ յամենայն տեղիս՝ համարելով զնոսա իբրեւ զգերիս եւ զստրուկս , ապա խնդրէ հոգ տանել և դարմանել զիրան և մեղմել զխրոխտանս Յունաց :

Դատաւոր քաղաքին լուեալ զայսոսիկ 'ի ծառայից իւրոց՝ առաքեաց զգարապետն 'ի վանս Հայոց , եւ եհարց 'ի նոցանէ՝ թէ զի՞նչ է զոր լսեմս , ընդէ՞ր ոչ ազգ արարիք մեզ . եւ նոքա ասեն՝ ներեսցէ մեզ դատաւորն , զի չէր ինչ խնդիրն այնչափ կարեւոր , և երբեմն սլատահին այսպիսի դէպք 'ի միջի մերում , եւ իբրեւ թեթեւ ինչ զանց արարաք : Այլ դատաւորն դարձոյց անդրէն զգըպրապետն յրեալ ընդ նմա և զփոխանորդ իւր , ընթեռնուլ զվաւերական գրեանս և տեսանել զխորտակեալ կանթեղսն , եւ ըստ այնմ տալ գիր , մի գուցէ ասէ , հասանիցի խնդիրն յականջս տերանց մերոց , եւ 'ի հարցանել նոցա զամօթի հարցուք իբրեւ զողէտ ոք : Իսկ Յոյնք յայտնի և ծածուկ խորհէին և խօսէին իսկ զրկել իսպառ զՀայս յեկեղեցւոյ Ս . Աստուածածնի , ուստի հարկ եղեւ Թէոդորոսի առաքել զհրովարտակն ընդ գրի դատաւորին 'ի Կոստանդինուպօլիս՝ և նորոգել զայն : Եւ 'ի լինել բանից 'ի մէջ Հայոց և Յունաց սակս խնդրոյն 'ի թագաւորեալ քաղաքի անդ , գրեցին Պատրիարքունք փոխադարձ գիր յերուսաղէմ , զի զգիրն Յունաց առաքեաց Պատրիարքն Հայոց՝ և զՀայոցն Յոյնք : Յետ ընթեռնելոյ զգրեանս , եկին դարձեալ Յոյնք 'ի վանս Հայոց և ասեն . փոխեսցուք ըզՏեսուչս և զլուսարարս , և եղիցի ամենայն ինչ ըստ առաջնոյն , այսինքն՝ բառնալ զերիս կանթեղան , արգելուլ զաւելածութիւնն՝ և չմտանել 'ի գերեզման 'ի Կիւրակէի . այլ Հայք ոչ առին յանձն , պատուիրեսցուք ասեն երկուցունց եւս վարիլ սիրով ընդ միմեանս , եւ եթէ սլատա-